



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCCXLVII. ad annum MDXXVII.

**Parisiis, 1644**

Praefatio.

**urn:nbn:de:hbz:466:1-15644**

ANNO  
CHRISTI  
1473.

CONSTITVTIONES REVERENDISSIMI IN

*Christo patris ac domini Alphonsi Carrillo archiepiscopi Toletani, editæ in prouinciali Concilio per eum in oppido de Aranda cum suis suffraganeis celebrato.*

PRÆFATIO.

QVONIAM a nascentis origine mundi ea ipsa humana conditio decliua ad malum fuisse dignoscitur, lex id eo prodita est, quæ mortalium deuios motus sua virtute reprimeret, ipsosque suo dirigeret conditori. Sed quia adhuc ipsa nouas semper conatur edere formas, quibus quæque sanctio etiam maturo digesta consilio non sufficit prouidere, ex quo morum subuersio in clero & populo frequenter obrepit, fuisse noscitur saluberrima superiorum auctoritas, quæ nouarum promulgationibus legum mortalium nouis machinationibus in dies occurrat, ac prouidi cultoris sarculo extirpet vitia, virtutes inferat, moresque reformet. Hoc sane calitus edocti inuententes Canonum conditores, prouide decreuerunt, sacrosancta ipsa prouincialia Concilia per metropolitanos antistites cum eorum suffraganeis annis singulis celebranda. Sed, proh dolor, generis inimicus humani tot calamitatum pressuris, totque turbationibus & arumnis vniuersam repleuit Hispaniam, vt tam pium sanctumque opus efficere, ac longissimis citra temporibus anterioribus nostris, & nobis penitus sit adempta facultas, ita vt eadem sacra Concilia, illorumque auctoritates pene obducere videatur obliuio in ecclesiæ iacturam non modicam & fidelium animarum. Nunc ergo nos, quem licet immeritum in patriarchali Toletana sede, ac in vniuersis Hispaniarum prouinciis diuina dignatio prætulit in primatem, amplissima ipsa sollicitudinis pars humeris nostris imposita, qua nedum super suas oues, sed super illarum pastores ab ipso Domino, cuius iudicia imperferutabilia sunt, nos conspicimus constitutum. Sæpenu-mero pulsauit cor nostrum inter huius mundi pressuras, quibus pro tuenda iustitia & republica dirigenda temporum causante malitia incessanter vrgemur, id modicum otii, quo negotiorum moles nos respirare concedit, Altissimo dedicare, vt in eius vineæ cultura, præsertim circa

præmissa, totum id quod sit possibile peragamus, in ipso non ab re fiduciam obtinentes, qui etiam in mediis fluctibus, quemadmodum est pollicitus, sponsam suam non deseret prædilectam; dissidiorumque vepribus ac vitiorum tribulis amputatis, fructus dulcis subscendet: quo in confortio illorum, quorum vices gerimus, fruamur in excelsis. Hæc igitur, redemptoris nostri postulato suffragio, effectui mancipantes, Nos Alphonſus Carrillo miseratione diuina archiepiscopus Toletanus, Hispaniarum primas, ac regnorum Castellæ maior cancellarius, reuerendos in Christo patres dominos episcopos comprouinciales & suffraganeos nostros, ac nostrum & eorum capitula, illorumque venerabiles procuratores ad oppidum hoc de Aranda nostræ prouinciæ & Oxomensis diocesis, per nostras patentes literas fecimus conuocari, & vna cum eisdem suffraganeis, ac in suorum capitulorum præsentia prædictorum, super morum reformatione, aliisque Dei cultum & salutem tangentibus animarum, & Concilium prouinciale deliberauimus celebrare. In eo constitutiones edidimus infra scriptas, die videlicet quinta mensis Decembris de anno Domini 1473. quo die Concilium præfatum extitit terminatum.

## C A P I T V L A.

### I.

**C**ANDOR æternæ lucis Christus Iesus, qui ecclesiam suam noua semper prole fecundat, sanctorum patrum & antistitum corda splendore suæ gratiæ clementer illustrauit: eosque in domo Domini ideo diuina potestas ceteris præferre ab alto decreuit, vt ab eis salutaria prodeant statuta, quibus velut vberimis fontibus tota terra irrigata redemptori nostro reddat fructum suum. Quia vero sacrorum Canonum institutis sancitum nouimus ab antiquo, per metropolitanos antistites cum suis suffraganeis prouincia-

lia